

Na osnovu člana 8. Zakona o javnim priznanjima Zeničko-dobojskog kantona („Službene novine Zeničko-dobojskog kantona, broj: 6/13), Odbor za javna priznanja, donosi

KRITERIJE ZA DODJELU JAVNIH PRIZNANJA ZENIČKO-DOBOJSKOG KANTONA

I.

Javna priznanja Zeničko-dobojskog kantona dodjeljuju se pojedincima i drugim pravnim osobama, ustanovama i udrugama zaslužnima za privredni, društveni i kulturni razvoj Zeničko-dobojskog kantona, te njegovo promicanje u zemlji i svijetu.

II.

Kriteriji za dodjelu javnih priznanja su:

Za pojedince:

- da se radi o istaknutim pojedincima ili skupini građana koji su svojim kontinuiranim i izuzetno značajnim znanstvenim, stručnim, kulturno-umjetničkim, pedagoškim, sportskim, humanitarnim ili drugim javnim radom dali trajan doprinos i ostvarili izuzetne rezultate trajne vrijednosti na unapređenju stanja i razvitku pojedinih djelatnosti, odnosno izuzetan doprinos međunarodnoj promidžbi navedenih djelatnosti Zeničko-dobojskog kantona
- da se radi o pojedincima ili skupini građana koji u svojoj radnoj i životnoj sredini uživaju ugled uzorna djelatnika i stručnjaka te čestitog i vrijednog čovjeka,
- postignuti najbolji rezultati u pojedinim područjima rada ili djelovanja,
- objavljena, prikazana, izložena, izvedena ili na drugi način predložena ostvarenja tokom protekle godine odnosno razdoblja,
- stjecanje i uživanje ugleda uzornog stručnjaka, djelatnika ili građanina, odnosno uzornog poduzeća, ustanove, udruge građana i druge pravne osobe,
- značajne veće obljetnice i jubileji neprekidnog rada i djelovanja,
- da su na različite načine pruženi dokazi o rezultatima višegodišnje suradnje, potpore prijateljstva spram Zeničko-dobojskog kantona,
- da su postigli iznimna dostignuća u proteklom jednogodišnjem ili višegodišnjem razdoblju na području društvenih djelatnosti;
- da su postigli iznimna dostignuća u proteklom jednogodišnjem ili višegodišnjem razdoblju u privrednim djelatnostima, razvitku Zeničko-dobojskog kantona i unapređenju kvalitete života građana;
- da su postigli iznimna dostignuća u proteklom jednogodišnjem ili višegodišnjem razdoblju za doprinos razvitku demokratskih institucija, aktivnog građanstva, lokalne i mjesne samouprave i političke kulture;
- da su postigli iznimna dostignuća u proteklom jednogodišnjem ili višegodišnjem razdoblju na području humanitarnog djelovanja.

Za pravne osobe:

- da su tijekom godine, odnosno za razdoblje za koje se dodjeljuje priznanje ostvarili izuzetne poslovne, javne i druge rezultate trajne vrijednosti u privrednom ili društvenom razvitku Zeničko-dobojskog kantona i doprinijeli međunarodnoj promidžbi i ugledu Zeničko-dobojskog;
- stjecanje i uživanje ugleda uzornog poduzeća, ustanove, udruge građana i druge pravne osobe;

- da su postigli iznimna dostignuća u proteklom jednogodišnjem ili višegodišnjem razdoblju na području društvenih djelatnosti;
- da su postigli iznimna dostignuća u proteklom jednogodišnjem ili višegodišnjem razdoblju u privrednim djelatnostima, razvitku Zeničko-dobojskog kantona i unapređenju kvalitete života građana;
- da su postigli iznimna dostignuća u proteklom jednogodišnjem ili višegodišnjem razdoblju za doprinos razvitku demokratskih političkih institucija, aktivnog građanstva, lokalne i mjesne samouprave i političke kulture;
- da su postigli iznimna dostignuća u proteklom jednogodišnjem ili višegodišnjem razdoblju na području humanitarnog djelovanja.

III.

Postupak za dodjelu javnih priznanja i nagrada Zeničko-dobojskog kantona se provodi svake godine objavom Javnog poziva za predlaganje kandidata za dodjelu javnih priznanja.

Prijedlog za dodjelu javnih priznanja i nagrada mogu dati sve fizičke i pravne osobe po objavi Javnog poziva.

Javna priznanja i nagrade uručuju se na svečanom sjednici povodom Dana grada Zeničko-dobojskog kantona.

Prijedlog za dodjelu javnih priznanja mora sadržavati:

- životopis kandidata ako se radi o pojedincu,
- tačan naziv privrednog društva, ustanove, udruge ili druge pravne osobe koja je predložena za dodjelu javnih priznanja,
- temeljito obrazloženje razloga predlaganja
- odgovarajuću dokumentaciju koja podupire kandidaturu.

IV.

Odbor za dodjelu javnih priznanja sastavlja konačan prijedlog zaključka s posebnim kratkim obrazloženjem za svakog kandidata i upućuje ga na raspravu i donošenje.

Broj: 02-34-10796-1-16/17
Zenica, 20.06.2017. godine

**PREDSJEDNIK ODBORA
NINA SALKIC BUNJEVAC**